



## Terenga 5: Hōtaka 37 – He kīanga mō te toa me te wairuatoa

### He Mihi

He reo rerehua te reo taketake o tēnei whenua. Ko Ako tēnei e whāngai atu nei i ētehi punua whakaaro, i ētehi punua kupu o tēnei reo taketake hei āwhina i te tangata ki te whakapuaki i ana whakaaro mō ngā kaupapa huhua o te wā. Ahakoa ko wai, ahakoa nō whea, e wātea ana tēnei reo rerehua hei reo kōrero mōu, hei raukura mō tō māhunga. Heoi anō tā tātou, he tiatia!

### Hei Mahi Whakarongo

Me mihi rā te rangapū waihanga hōtaka o Raukauri mō rātou i whakaputa i ēnei hōtaka ātaahua e rangona ai ngā whakamārama e pā ana ki ngā whakataukī maha a ngā iwi maha o te motu.

### Anei ngā pātai hei whakautu mā koutou:

- 1) E tika ana te whakapae o Wharehuia mō te whānui o te mōhiotia o te kōrero o Hinemoa rāua ko Tūtānekai?
- 2) He aha ngā tikanga e rua o te 'whara'?
- 3) Ka pēhea tō whakahāngai i tēnei whakataukī ki tōu ake iwi?

Kia whakarongo tātou ki te reo waitī o Wharehuia.

### He Whakamārama

Anei ētehi kīanga e hāngai ana ki te toanga o tētehi rōpū i te ao tātāwhāinga:

- Kua toa / Kua eke panuku / Kua eke tangaroa / Kua pae ki uta / Kua puta te ihu
- Kua whakaihuwaka

Ko te wairuatoa te tauaro o te toa. Anei ētehi kīanga e hāngai ana ki te wairuatoatanga:

- Kua hinga... / Kua mīere...
- Kei raro... e putu ana
- Kua riro te tāhuna i ...

### He Mahi Ī-papa

Whakaurua tētehi o ngā kīanga ki roto i te rerenga kōrero mō tētehi hākinakina e pai ana ki a koe.

hinga

### Hei Mahi

Whiriwhirihia kia 3 ngā kīanga o runga ake nei ka tuhi ai i ētehi rerenga kōrero e 3.

- 1.
- 2.
- 3.

### Whakautu:

Mahi ĩpapa: Kua wairuatoa te tīma poiwhana o Ingarangi i te kaha o te tīma nō Parīhi. Kei raro te tīma poiuka e putu ana i te eke panukutanga o ō rātou hoariri.

1. Kei raro te tīma kahurangi e putu ana, i te kaha o te tīma kōwhai ki te oma.
2. Kua pae ki uta te whutupōro.
3. Kua riro te tāhuna i te Kapa Ō Pango mō te tau 2012. Ko rātou ngā whakaihuwaka o te ao whutupōro.